

Angelus

I campànn dra Madòna dul Munt bàsan mezzdì;
Angelus dul Signùur, campànn in festa:
Castèll Cabiaij, Brinse, Velà, Fujee, la Rasa,
surèll che ciciàren un cant dal pian al ciel.

Setèmbar, vùus giuiùus sü al Camp di Fiùur
rampègan dent i fò, i castàn, i pìin
e vann innanz, sa mes'cian cunt i niul,
par cantà la so gloria al Pà dul mund.

Sdraià sùra la prea, i öcc sarà,
a cüntà i culp dul cöör, i bòff dul fiàa,
maseràa sura 'l grupùn dul Camp di Fiùur,
trövi in festa i campàan dul me paés.

S'ciòpa la lüüs du la vöia da pregà
parché ul Signùur al gh'è e 'l vèed e 'l sa.
Fann citu, dàsi dàsi, i mè campànn
e 'l vent ligéer, adèss, gh'ha la Sò vùus.

Carlo Zanzi - Settembre 2006